



## त्रिविविपाखें नक्शा पास यायेम्वा:गु हे ख:ला ? त्रिवियात किपू नगरपालिकापाखें हाकनं ताकेता पौ

### त्रिविया भिसी व किपू नगरपालिया प्रमुखया दथुइ सहलह जुइगु

ज्वजलपा वा:पौ /

ता ई न्हय:निसें त्रिभुवन विश्व विद्यालयपाखें थ:गु भवन दयेकेत नक्सा पास यायेमा: कि म्वा: अले करया दायराय् वये मा:कि म्वा: धइगु विवाद जुयाच्वंगु ख:। त्रिभुवन विश्व विद्यालयपाखें थ:पिं स्थानीय निकाय अन्तर्गत मखुगुलिं नक्सा पास यायेमा:गु अवाश्यकता मदु धया वयाच्वंगु ख:। अले किपू नगर पालिकां धा:सा स्थानीय स्वायत्त शासन ऐन कथं फुक्कसिनं हे नक्सा पास यायेमा: धका: स: तया वयाच्वंगु दु।

थ्व विवाद आ:या जक धा:सा अवश्य नं मखु। किपू नगरपालिका जुया जनप्रतिनिधि ल्ययेगु ज्या जुसानिसें हे विवाद जुयाच्वंगु ख:। अबलेनिसें आ: तक गुलि नं त्रिविपाखें भवन दयेकेगु ज्या यात व भवनया छुं नं नक्सा पास या:गु मदुनि। अले किपू नगरपालिकापाखें नं लगातार रुपं हे त्रिवियात पौ च्वयेगु नापं प्रत्यक्ष व अप्रत्यक्ष रुपं सहलह ब्याकेगु याना वयाच्वंगु दु। तर थुगु विवादयात ज्यंके फयाच्वंगु मदुनि। थ्व हे भुवलय् आ: किपू नगरपालिकां त्रिविवियात ताकेता पौ छवयेगु तयारी या:गु सूत्रं धा:गु दु। अथे ताकेता पौ छलयेत्यंगु धा:सा थ्व निक्क:खुसि ख:। किपू नगरपालिकाया छम्ह कर्मचारी ज्वजलपा वा:पौलिसे खँ ल्हासें स्थानीय स्वायत्त शासन ऐन २०५५ कथं सरकारया फुक्क निकायपाखें तकं नक्सा पास याना जक भवन निर्माण यायेमा:गु नियम दु धयादिल। अथे हे वय्कलं स्वयं सुरक्षा निकायया भवन जूसां नं इमिगु दुनेया संरचनायात त्व:ता: ख्वा: नापं पिने खने दइगु संरचना जक जूसां पास यायेमा:गु प्रावधान दुगु अवस्थाय् त्रिभुवन विश्वविद्यालयपाखें नक्सा पास यायेम्वा: धका: धयाच्वंगुया अर्थ मदु धयादिल। थ्व हे दथुइ न्हापा छक: ला त्रिविवि, दलिय प्रतिनिधि नापं नगरपालिकाया प्रतिनिधि च्वना तकं सहलह ब्याका त्रिविविपाखें नक्सा पास यायेगु धका: धा:गु ख: तर आ: तक नं या:गु मदुनि। लिपांगु इलय् वया हाकनं त्रिविवि व किपू नगरपालिकाया दथुइ नक्सा



### दलिय प्रतिनिधितय्सं चासो मत:गु नगरपालिकाया कर्मचारीतय्गु गुनासो

पास सम्बन्धि बहस तिव्र जुया व:गु दु। छुं दिं न्हय: जक किपू नगरपालिकाया प्रमुख व त्रिविविया भिसीया दथुइ उगु खँय सहलह ब्याकेगु कुत: या:गु जूसां नं विशेष कारणं मज्गु ख:। सूत्रं धा: कथं आ: किपू नगरपालिकाय् न्हूम्ह प्रमुख नापं कार्यकारी वये धुंकूगु अवस्थाय् त्रिविविया भिसी व नगर पालिकाया कार्यकारी दथुइ खँ ल्हायेगु धका: खँ जुइ धुंकूगु दु।

त्रिविविपाखें हे नक्सा पास मयासे भवन निर्माण यायेगु ज्या यानाच्वंगु अले लिपांगु इलय् वया ला भन त्रिविविया गेट तकं नक्सा पास मयासे दयेकेगु ज्या गुगु कथं यानाच्वन उकिं याना किपू नगर पालिकाया कर्मचारीतय्सं तसकं चासो तयाच्वंगु खँ सीदुगु दु।

त्रिविविया भवनया नक्सा पास याकेगु सवालय् किपुलिइ क्रियाशिल जुयाच्वंगु अभ्र विशेष याना किपू नगरपालिकाय् प्रतिनिधित्व यानाच्वंगु राजनीतिक दलया स्थानीय नेतातय्सं गुगु कथं चासो विइमा:गु ख: उलि वियाच्वंगु मदु धका: किपू नगरपालिकाया कर्मचारीतय्सं धायेगु याना वयाच्वंगु दु।

## नेपालमण्डल दाफा महोत्सवय् किपू लागापाखें सुना सुना ब्वति काल ?

नेपालमण्डल टेलिभिजनया रवसालय् ललितपुर मलया प्रायोजनय् वंगु स्वन्ति नख:या व:पुजाया दिननिसें न्हयानाच्वंगु नेपालमण्डल दाफा महोत्सवय् किपू नगर लागाया थीथी दाफा खल:पाखें नं ब्वति कयाच्वंगु दु।

थ्यंमथ्यं सच्छि व न्ययगू दाफा खलकं ब्वति का:गु उगु महोत्सवय् आ: तकया दुने किपूया थांबहा: दाफा खल:पाखें थ:पिनिगु दाफा प्रस्तुत याये धुंकूगु दु। उगु दाफा खल:पाखें दाफा थायेगु नाप नापं बासुरी पुया खिं बाजंया तालय् लाखे प्याखं तकं न्हयव्व:गु ख:। अथे हे

किपूया हे साग: त्वा: दाफा खल:पाखें नं दाफा महोत्सवय् ब्वति काये धुंकूगु दु। उगु हे कथं ग:छें दाफा खल:पाखें नं ब्वति काये धुंकूगु दु। आ: वइगु मंसीर ४ गते शनिवा: किपूया हवाकुंचा-इताछें दाफा खल:पाखें ब्वति काइ। नेपालमण्डल टेलिभिजनपाखें विउगु जानकारी कथं किपू लागापाखें नगां दाफा खल:, समल त्वा: दाफा खल:, पांगाया बालकुमारी दाफा खल:, च:धवाखा दाफा खल:, कुतिसा: दाफा खल:, च्ववहा: दाफा खल: व त:ननि दाफा खल:पाखें ब्वति कयाच्वंगु दु।

संस्कृतिइ विविधता दुपिं ऐतिहासिक नेपालमण्डल



लागाया आदिवासी नेवा:त ख:सा नेवा: समाज दुनेया दक्ले अप्व: प्रभाव लाकाच्वंगु नापं नेवा:तय्क संगठित यानाच्वंगु धइगु दापा संस्कृति हे ख:।

थनि निद्र:दौंसवें न्हय:निसें हे दुगु कथं नाललात:गु दाफा

संस्कृतिं नेवा:तय्गु म्हसीका जक मखु नेपा:या हे म्हसीका पिब्वया च्वंगु दु। दाफा खल: दुगु थासय् दाफा खल:पाखें हे संस्कृतियात जीवन्तता विइगुनिसें नेवा:तय्क एकता याना तयेगु ज्या जुयाच्वंगु खने

दु। दाफा खल: दुगुलिं हे नेवा:तय्गु छेंखाप्वा: पतिकं कलाकार दयाच्वंगु ख:। छगू कथं नेवा:तय्गु सभ्यता जुयाच्वंगु दाफा संस्कृति धइगु अमूर्त संस्कृति ख:। अमूर्त संस्कृतियात ल्यंका: तये मफत धा:सा छगू

कथंया सभ्यता हे न्हना वनी। नेपालमण्डलया आदिवासी नेवा:तय्गु जीवन्त नापं अमूर्त संस्कृति दाफा संस्कृतिया चन्हाकेगु त:भुखाचं प्रभावित जूगु लागाया दाफा संस्कृतियात पुनजागरण हयेगु न्हूगु पुस्तायात दाफा संस्कृतिइ दुथ्याका यंकेगु, दाफा संस्कृतिया महत्वयात थुइका: विश्वय् न्हयव्वये बह:गु संस्कृतिया रुपय् मा:गु कथंया प्रचारप्रसार यायेगुनिसें दाफा संस्कृतिया महत्वया बारे राज्यया ध्यानाकर्षण यायेगु नाप नापं दाफा संस्कृतियात म्वाकार्षिपन्त हनेगु व इमित ह:पा: बिइगु नितिं दाफा महोत्सव रवसा: रवयागु ख: धका: नेपालमण्डल टेलिभिजन धा:गु दु।



## ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४१४०१०७७

ई-मेल : jwojalapaweekly@gmail.com

### सम्पादकिय

## रक्त चन्दनया तस्करी

रक्त चन्दन छगू कथंया सिमा खः। गुगु सिमा वासः यायेगु ख्यलय् यक्व हे ज्या वः। थुगु सिमा नेपालय् मदु। भारतय् रक्त चन्दनया यक्व हे सिमा दु। धाय् जंगल हे दु। थ्व रक्त चन्दन यक्व हे वासः दयेकेगु निति अमूल्य वस्तु खः। थ्व भारत मेगु देसय् बिइगु नं मयाः। थ्व रक्त चन्दन भारत तस्करं याना मेमेगु देसय् छवयेगु याः। भारतयला विरप्पन धाःम्ह मनु ला रक्त चन्दन तस्करया नामं यक्व हे कुख्यात जूगु हे। तःदँया मेहेनत लिपा भारत सरकार वयात स्थाना बिल। अले रक्त चन्दन तस्कर मोजुगु तायेकूगु खः।

नेपालय् नं न्हापा ला रक्तचन्दन तस्करया यक्व हे समाचार वयाच्चंगु दु। गबलें जाकि बोराय् स्वथना हइगु। गबलें सिमेन्ट लोड याना हइगु गाडी सिमेन्ट त्वःपुया हइगु, गबलें एम्बुलेन्सया सिटया ब्वय् ज्याछिं रक्त चन्दनया मुढा तथा यंकूगु समाचार वइगु। अप्वः यानाः तातोपानीया लं जुया चीन वनीगु खः। प्रहरीया सक्रियतां याना मुढा यंकेगु थाकुल। अले व रक्त चन्दनयात धू याना यंकेगु यात। सिंचूया रुपय् यक्व तस्कर जुल। थ्व खं नं प्रहरी सिइव तस्करतसें मेगु हे उपाय लिकाल।

तस्कर ज्वनेगु नितिं सरकारं गुलि गुलि न्हूगु लँपु छयल। तस्करतसें नं न्हू न्हूगु उपाय छयलेगु याना हल। रक्त चन्दनया मुढा यने थाकुबलय् सिंचूया रुपय् प्रयोग यात। व नं पुलिसया मिखा छलय् याये मफुबलय् तस्करतसें मेगु हे लं ज्वन। रक्त चन्दनयात पेलय् याना चिकं दयेकाः तस्कर यायेगु याना हल। थ्व खं ला वंगु कार्तिक २३ गते किपूया त्रि.वि.गेट लागाय् प्रहरीतसें न्यागः प्वास्टिकया जर्किनय् तथाः हःगु भोल पदार्थ शंका याना छु खः धकाः ज्वना केर कार याःबलय् तिनि रक्त चन्दनया भोल चिकं दयेका हःगु सीदत। सायद थ्व हे न्हापां भोलया रुपय् रक्त चन्दन दयेकाःहःगु ज्वंगु जुइमा।

## गजल शौरभया

हायेका जितः नुगः मुइका छं  
त्वहःगन कयाहया लुइका छं।

जिला जिगु सर्वश्व छ धयागु  
गथे जिगु खं अबतं थुइका छं।

प्यन्हूया जिन्दगी चितासु मदु भी  
म्वाःमदुगु नुगलय् खं बुइका छं।

घाःजूगु हे खःसा मल्हम पाये जित  
वासःमयासँ घाःहिइ जुइका छं।

लानी अभं स्थंथाय् भिंके यक्वःछं  
जीवन फसय् हुसूरं पुइका छं।

## संविधान संशोधन जुइके मबीत मखुगु प्रचार



राजेन्द्र श्रेष्ठ

सङ्घीय गठबन्धनं देसया सङ्घीय संरचनाया सन्दर्भय् तराई व मधेसय् निगू प्रदेश जक माग तःगु पहाडया आदिवासी जनजाति, खस व शिल्पी समुदायया नितिं छुं माग मतःगु आशय खनेदूगु कथं लिपांगु इलय् नेपाःया अधिकांश मिडियातसें तःक्वःमछि बुखं सम्प्रेषण यायेगु यानाः वयाच्चंगु दु। थ्व बिल्कुल मखुगु बुखं खः। सरकार न्हयःने पेस याःगु गठबन्धनया २६ बुँदे व मधेसी मोर्चाया ११ बुँदेया अन्तर वस्तुइ मखुगु प्रचार याःथें अन्तर मदु।

गठबन्धनं २६ बुँदे मागया बुँदा ल्याः १ व २ स्पष्ट धयातःगु दु—

१) न्हापांगु संविधान सभापाखें नीस्वंगु राज्य पुनःसंरचना व राज्य शक्ति बाँडफाँड समिति व राज्य पुनःसंरचना उच्चस्तरीय सुझाव आयोगया प्रतिवदेशन व मधेसी, आदिवासी जनजातिलगायत उत्पीडित समुदायलिसे जूगु सम्झौतात व नेपाःया अन्तरिम संविधान २०६३ या धारा १३८ (१) व १३८ (१क) अनुरूप तराई-मधेस-थरुहटय् निगू स्वायत्त प्रदेशलगायत ऐतिहासिक पृष्ठभूमि-थातथलो व पहिचान लिसें सामर्थ्यया आधारय् प्रदेशत निर्माण जुइमाःगु। गुकी लिम्बूवान, किराँत-खम्बूवान, शेर्पा, ताम्साँलिङ-तामाङसालिङ, नेवाः, तमुवान, मगरात, थरुहट-थारुवान, खसान व मधेस आदि प्रदेशतलिसें गैर भौगोलिक विशेष प्रदेशया नीस्वनेमाःगु। प्रदेशत स्वायत्त व अधिकार सम्पन्न जुइमाःगु।

२) प्रदेशत दुने ऐतिहासिक थातथलो कायम जूगु जातीय समूह, आदिवासी जनजाति, मुस्लिम, शिल्पी समुदाय (दलित), पिछडा वर्ग, सीमान्तकृत, अति सीमान्तकृत व लोपोन्मुख समुदायया पहिचानय् आधारित स्वायत्त क्षेत्र, संरक्षित क्षेत्र व विशेष क्षेत्रतय्गु व्यवस्था यायेमा व खस समुदाय तकयात आदिवासीइ सूचीकृत यायेमाःगु।

अथेहे, संयुक्त लोकतान्त्रिक मधेसी मोर्चाया ११ बुँदे मागया सार नं वहे खः, उकिया बुँदा ल्याः १ व ९ स धयातःगु दु -

१) न्हापांगु संविधानसभापाखें नीस्वंगु राज्य पुनःसंरचना व राज्य शक्ति बाँडफाँड समिति व राज्य पुनःसंरचना उच्च स्तरीय सुझाव आयोगया

प्रतिवेदन व मधेसी, आदिवासी जनजातिलगायत उत्पीडित समुदायलिसे जूगु सम्झौता व नेपाःया अन्तरिम संविधान २०६३ या धारा १३८, १(क) अनुरूप तराई(मधेसय् मेचीनिसें महाकालीतक निगू स्वायत्त प्रदेशलगायत ऐतिहासिक पृष्ठभूमि व पहिचानया आधारय् मेमेगु स्वायत्त प्रदेशत निर्माण जुइमाःगु। स्वायत्त प्रदेशत अधिकार सम्पन्न जुइमाःगु।

९) स्थानीय निकाय व विशेष संघरना (स्वायत्त क्षेत्र, संरक्षित क्षेत्र व विशेष क्षेत्र) या नीस्वनीबलय् प्रादेशिक कानून कथं जुइमाःगु।

थथे आन्दोलनरत पक्षतय्गु मागत स्पष्ट रुपं भिगू स्वायत्त प्रदेश व छगू गैरभौगोलिक विशेष प्रदेश (१० प्लस १) दयेक दयेकं नं तथार्कथित न्यागू ल्याः प्रदेशया पहाडी जिल्लात पहाडय् तयेत सङ्घीय गठबन्धनं माग याःगु आशय खनेदू कथं कान्तिपुरलगायत मूलधार धयातःगु संचार माध्यमतसें छाय् भ्रम ब्वलकाः च्वंगु खः ?

वैवाहिक अङ्गीकृत नागरिकताया सन्दर्भय् नं अथेहे आपालं भ्रम ब्वलकूगु दु। ‘का आः जिलाजंपिन्त राष्ट्रपति, उपराष्ट्रपति, प्रधानमन्त्री, सभामुखथें जाःगु कार्यकारी पदय् हयेत गठबन्धन व मोर्चा माग तल’ धइगु छुं नेपाली मिडियाया शिर्षक जुयाच्चंगु दु। थ्व मेगु मखुगु व संविधान संशोधन जुइके मबीत षडयन्त्रया पराकाष्ठा खः।

थुगु सन्दर्भय् गठबन्धनया माग ल्याः ८ व मोर्चाया माग ल्याः ५ स ‘वैवाहिक नागरिकताया प्राप्त सङ्घीय कानूनय् मजुसे संविधानय् हे स्पष्ट व्यवस्था जुइमाःगु व संवैधानिक पदतय्के मनोनित वा निर्वाचित अन्तरिम संविधानया व्यवस्था अनुरूप हे जुइमाःगु’ धैगु दु।

न्हापांगु खं नेपाःया मिडियातसें वैवाहिक नागरिकतावारे नेपालय् ब्याहा जुयाः वइपिं मिसापिं (चाहे व हिमालया शेर्पा, ह्याल्मो आदि या तराईया मधेसी, थारु आदि, चाहे लिम्बूवानया लिम्बू, लेप्चा आदि व खसानया खस, शिल्पी आदि) या नितिं धैगु खं थुइकेमाःगु जरूरी जू। वैवाहिक नागरिकताया सवाल छगू क्षेत्र व भूगोलया जक खहे मखु। ल्याखय् कमी व अप्वःया जक खः। वैवाहिक स्वापू तराई मधेसया जक सवाल मखु पूर्वय् राई, लिम्बू व लेप्चा व हिमालय शेर्पातयेगु नं सवाल खः।

‘का आः जिलाजंपिन्त राष्ट्रपति, उपराष्ट्रपति, प्रधानमन्त्री, सभामुखथें जाःगु कार्यकारी पदय् हयेत गठबन्धन व मोर्चा माग तल’ धैगु खं शत प्रतिशत मखुगु खं खः। थुगु पदय् जनता वा जनप्रतिनिधिपनिगु मतं निर्वाचित जुयाः वइगु पदत खः संवैधानिक निकायया पदतथें खहे मखु।

आन्दोलनं नेपाःया संविधानया धारा ११ या उपधारा ६ या संशोधन माग याःगु खः। न कि मिडियाय् वःथें ‘अन्त न सन्त’या विषय। वहे धाराया उपधारा ७ या संशोधन माग याःगु मखु। मिडियाय् वःथें खं उपधारा ७ स व्यवस्था दु। थुगु सन्दर्भय् थ्व संविधान जारी जुइ न्हयःतक प्रचलित कानून कथं नेपालय् ब्याहा जुयाः वःपिं मिसापिन्सं जक अङ्गीकृत नागरिकता कायेखंगु दु। नेपाली चेलीया नेपालय् हे बसोबास याइपिं विदेशी नागरिकलिसे ब्याहा जूगु दुसा नं जिलाजं नं मजुसे विदेशय् नागरिकता मकाःगु जूसा वया सन्तानं जक नेपालय् जन्मसिद्ध नागरिकता कायेखंगु दु। फीसं नेपाःया विदेशी जिलाजंपिलिसे सम्बन्धित संविधानया धारा ११ या उपधारा ७ स संशोधन माग यानागु मदु। उकिं ‘का आः जिलाजंपिन्त राष्ट्रपति, उपराष्ट्रपति, प्रधानमन्त्री, सभामुखथें जाःगु कार्यकारी पदय् हयेत गठबन्धन व मोर्चा माग तल’ धैगु खं शत प्रतिशत मखुगु खं खः। थुगु पदय् जनता वा जनप्रतिनिधिपनिगु मतं निर्वाचित जुयाः वइगु पदत खः संवैधानिक निकायया पदतथें खहे मखु।

नेपाःया छुं संचार माध्यमतसें वास्तविकतायात खेतले यानाः सन्तुलित रुपं समाचार व विचारत सम्प्रेषण यायेगु पलेसा उत्पीडित, उपेक्षित जनताया चाहना व मागतयत्त संविधान संशोधनपाखें सम्बोधन यायेगु खंयात अनावश्यक तवरं ‘सेन्सेटाइज्ड’ यानाः बियाः पहिचान व अधिकार सुनिश्चित जुइगु पनेगु कासा म्हितूगु खनेदु। उपेक्षित जनताया मागततयत्त संविधान संशोधनपाखें सम्बोधन यानाः न्हयज्यायेगु संधारय् मुलुक दनाच्चंगु इलय् मखुगु प्रचार यानाः भ्रम ब्वलकेगु सुयागु नं हितय् मदु। मुलुकया हितय् ला फन दहे मदु।

(श्रेष्ठ सङ्घीय समाजवादी फोरम नेपालया सह-अध्यक्ष व सङ्घीय गठबन्धनया सचिवालय समिति संयोजक खः।)



## कीर्तिपुर प्रहरी वृत्त रक्तचन्दनया भूवल ज्वन



ज्वजलपा वा:पौ /

महानगरिय प्रहरी वृत्त किपुलीं ९० लिटर र रक्त चन्दनया चिकं नापं निम्ह मनू ज्वंगु दु ।

वंगु कार्तिक २३ गते सनिलया ४३० ता: इलय त्रि.वि. गेट त्यक्सीइ गोप्य सूचनाया आधार य निगरानी या:बले जिल्ला खोटाङ्ग खाल्ले गा.वि.स वडा नं. ७ या ३२ दँया चन्द्र कुमार के.सि. व काभ्रे जिल्ला पाँचखाल जैशिक गा.वि.स. वडा नं. ९ या ३४ दँया फडिन्द्र भट्टराईयात ज्वना चेकजाँच या:बलय इमिसं कुविया वयाच्वंगु प्लास्तिकया बोराय खरानी रंगया न्याग: २० लिटर न्ह्यंगु जर्किन लुइकल । जर्किनय चिकं च्वंगु

भोल पदार्थ दुगु जुयाच्वन । थ्व छु चिकं धका: न्यंबलय उमिसं रक्त चन्दन चिकं धाल । उमित ज्वना: हया: वन ज्याकुथी काठमाडौंलय छव:गु दु ।

वंगु कार्तिक २४ गते महानगरीय प्रहरी वृत्त किपूया ज्याकुथि पत्रकार सम्मेलन याना: वय्क:पिन्त न्ह्य:ने ह:गु ख: । थ्व चिकं गनं ह:गु, गन यंकेत्यंगु धइगु पत्रकारपिन्सं न्ह्यस:त:बलय डि.एस.पि. डा.मेख बहादुर खत्री अजतक इमिसं मधा:निगुलिं सी मनुनि धका: कना दिल । वहे दिनय इमित ज्वंगु जर्किन सहित जिल्ला वन कार्यालय काठमाडौं चलान या:गु दु ।

## १० नं.क्षेत्रया सभासदपिन्सं नेपालभाषा एकेडेमीयात ग्वाहालि याइगु

ज्वजलपा वा:पौ /

कीर्तिपुर नगरपालिका वडा ल्या: २ लय च्वंगु जनस्तरं नीस्वनात:गु नेपालभाषा एकेडेमीयात यँ जिल्ला १० ल्या: लागया निर्वाचित व समानुपातिक सांसदपिन्सं ग्वाहालि याइगु जूगु दु ।

वंगु कार्तिक १८ गते सांसदपिं व नेपालभाषा एकेडेमीया पदाधिकारीपिनिगु छगू सहलह मुंज्यां एकेडेमीया लागाय प:खा दनेत २० लाख दाँ मालिगु प्रपोजल पेश या:गु ख: ।

यँ जिल्ला लाग नं. १० या निर्वाचित सांसद राजेन्द्र कुमार के.सि., समानुपातिक सांसदपिं माओवादी केन्द्रया श्याम श्रेष्ठ, माओवादी केन्द्रया हे रुपा श्रेष्ठ, एमालेया सांसद विनोद श्रेष्ठया सांसद कोषं मंका: कथं उगु २० लाख धेवा विइगु जूगु खँ नेपालभाषा एकेडेमीया सदस्य सचिव मल्ल के सुन्दरं ज्वजलपा वा:पौयात कनादिल ।



किपू नगरपालिका वडा नं ९ व १० पांगाय किपू नगर पालिकापाखें वडा नागरिक मञ्च नीस्वंगु नापं उगु ज्याभूवलय सहभागी जुयादीपिं स्थानीयवासी व नगर पालिकाया प्रतिनिधितयगु छगू लू



पिदंगु दु  
स्वंगू सफू

उपन्यास

थ्वया च्वंगु स:

न्वचू, उद्घोषण व एफ एम

संचालन कला नास:

चिनाखँ मुना ईब्य:या चिनाखँ



नजरराम महर्जनया  
भिंछगूगु उपन्यास  
'थ्वयाच्वंगु स:'

मू  
निस: तका जक



श्रीकृष्ण महर्जनया  
न्यागूगु सफू  
'नास:'

मू  
न्यय तका जक



नाति महर्जनया  
न्हापांगु सफू  
'ईब्य:या चिनाखँ'

मू  
सच्छ तका जक

थ:गु प्रति  
सुरक्षित  
यानादिसँ  
न्हि  
स्वापू

४३३३००७,  
९८४१४०१०७७



ज्वजलपा  
वाइव्यो

छिगू नं चिनाखँ, बाखनिसें छुं नं कथंया च्वसू दुसा बियादिसँ जिमिसं ल्व:कंहवा:गु  
ज्वजलपा वा:पतिइ पिकायेगु जुइ ।

ज्याकू: निखासी त्वा: किपू नपा-३ फोन ल्या: ४३३३००७, ९८४१४०१०७७ ई-मेल : jwojalapaweekly@gmail.com





# बल्बुइ धकिं जात्रा: महालक्ष्मीया जात्रा

श्रीकृष्ण महर्जन

स्वनिगःया आदिवासी नेवाःतय्सं थःथःगु लागाय् मूमू द्यःयात जात्रा हनाः वयाच्वंगु दु । थ्व हे भूवल्य् येंयु नं थ्यं मथ्यं ८ किलोमिटर दक्षिण पश्चिमपाखे लाःगु बल्बुइ धायेगु नापं बोलचाल भाषाय् बल्बुइ धायेगु याना वयाच्वंगु दु । अन महालक्ष्मी द्यःया द्यःखः जात्रा याइगु चलन दु ।

अस्तमातृकाय् दुथ्याःगु अर्थात सप्तमातृकाया समस्ति रूप कथं महालक्ष्मीयात नाला वयाच्वंगु दु । जात्राया भूवल्य् मूल द्यः महालक्ष्मीयात नाला तःखःगु जात्रा याइगु चलन दुसा उगु द्यःखः नाप नापं चीखःगु द्यःखः गणेशःया द्यःखः नं जात्रा याइगु चलन दु ।

जात्राया भूवल्य् नेवाःतय्गु सांस्कृतिक बाजं थायेगु व पुइगु तकं चलन दु । जात्रा बल्बुइ महालक्ष्मी द्यःया देगः दुगु लाग्ना च्वय् लाछि लाग्नां शुरु जुइ । महालक्ष्मी द्यःया देगः वर्ग आकारया देगः खः । थ्व



दशमि खुन्हु मूल जात्रा याइगु चलन दु ।

दशमियात सिन्हःया अर्थात जात्रा कथं नाला वयाच्वंगु दु । बल्बुइ महालक्ष्मीया जात्रा याये न्ह्यः धकिं द्यःया जात्रा याइगु चलन दु । धकिइ कुमार ीया मूर्ति तथा जात्रा याइगु यात हे धकिं जात्रा धाइगु खः । जात्राया भूवल्य् महालक्ष्मीया द्यःयात दशमि खुन्हु न्हापां त्वाः त्वालय् यंका पूजाफयेगु याइ । अले द्यःखः कुविया बल्बुं उत्तरपाखे च्वंगु पीगनय् यंकीगु चलन दु । पीगनय्



ल्याखं उगु देगः मल्ल कालय् निर्माण याःगु देगः खः धकाः अःपुक हे धायेफैगु अवस्था दु । पेगोडा शैलीया उगु देगः हे बल्बुइ आकर्षणया केन्द्र जुयाच्वंगु दु । बल्बुइ जात्राया भूवल्य् दैय् दसं कछला थ्व अष्टमियात बल्बुइ नेवाःतय्सं छवय्ला भू माने याइगु चलन दु ।

छवय्ला भू धैगु छवय्ला छुया भव्य नयेगु अर्थय कयातःगु दु । अथे हे नवमि खुन्हुयात मूयाः धाइ । थुखुन्हु मूल रूप द्यःयात पूजा याइगु चलन दु । नवमि खुन्हु बहनी निसें कन्हय् खुन्हु दशमि तक पूजा आजा याना

थ्यंकाः द्यःयात वलि विइगु, द्यःखःयात छायेपिइगु नं चलन दु ।

अर्नालिपा हाकनं द्यःखः जात्रा याना देशय् हया त्वाः त्वालय् जात्रा याइगु जुयाच्वंगु दु । थ्व ल्याखं द्यःखः जात्रा बल्बुइ निक्वः याइ धाःसां छुं पाइमखु । छुन्हु हे निक्वः द्यःखः जात्रा याइगु छगू कथं बल्बुइया विशेषता जुयाच्वंगु दु ।

बल्बुइ जात्राया भूवल्य् फुक्क त्वाःयापिं मनूतय्सं मंकाः कथं द्यःखः क्वबुइगु याइ । थ्यं मथ्यं भिस्वद्वःमह नेवाःतय्गु बस्ती बल्बुइ जुइगु जात्रा धैगु बल्बुइया मौलिक जात्रा खः । विशेषयाना बुज्या याना नइपिं नेवाःतय्गु

स्वां कुतं मवतले तक  
थ्वं त्वना च्वनीगु चलन  
दु । छगः जक खल्य्  
चिपनिपयात बेवास्ता  
याना पालंपाः अथे थ्वं  
त्वनीगु खः । थकालिपिन्सं  
यक्व हे थ्वं त्वंसां इमित  
थ्वं काइमखु धकाः बल्बुइ  
स्थानीयवासीतय्गु  
धापू दु ।

मेमेपिं नं दुथ्यानाच्वंगु दु । बल्बुइ ऐतिहासिक धाखा ऐतिहासिक नापं सांस्कृतिक रूपं तसकं महत्वपूर्णगु थाय् कथं नालातःगु बल्बुइ न्हापा प्यंगू ऐतिहासिक धाखा दयेका तःगु खःसा आः धाःसा स्वंगू जक धाखा ल्यं दनि । बल्बुइ वनेगु निरतिं दयेकातःगु उगु प्यंगू धाखा च्वय् धाखा, क्वय् धाखा, हितिगाः धाखा व नायननि धाखा खः । उगु प्यंगू धाखा मध्ये च्वय् धाखायात मू धाखा



बस्ती बल्बुइ जुइगु जात्रायात येंया दक्षिण पश्चिम लाग्नाया न्हय्गां जात्राय् दुथ्याका तःगु मदु । बल्बुइ जात्रा लच्छिलिपा जक वःखु लाग्नायात केन्द्रविन्दु नाला न्हय्गांया जात्रा याइगु खः । उकिं बल्बुइ जात्राया थःगु हे विशेषता दु धकाः धाइपिं नं मदुगु मखु । मेमेगु नेवाः बस्ती थें हे जात्राया इलय् थःलापिं मनूत व्वना भव्य नकेगु नापं जात्रा क्यनेगु चलन दु ।

अथे भव्य नकीगु इलय् चिकुलाया ई जुया तःखाः दयेका नकेगु याइ । बल्बुइ जात्रां वियाच्वंगु संदेश नाप नापं जीवन दर्शनयात कया अध्ययण अनुसन्धान यायेमाःगु अवस्था दु । विशेषयाना स्वं सुकाय् चिना तःगु इलय्

कुतुं वये हे माः धैगु गुगु अवस्था वइ उकिइ दुने सुलाच्वंगु पक्ष अर्थात स्वां गुगु कथं चिइगु खः । स्वां सुकाय् चिइगु तरिकाया बारे नं दुग्यंक अध्ययण यायेमाःगु आवश्यकता दु ।

बल्बुइ थाय् बाय्या ना १) तःधंलवि २) फादयां ३) बहिथः ४) गुर्जुहिति ५) कुमाः ननि ६) चीधंलवि ७) द्यःननि ८) हितिगाः ९) नायत्वाः १०) पासि ननि ११) क्वय् लाछि १२) न्हाकं ननि १३) तःखा छें १४) सिंहबहाः १५) गाःछें १६) क्वय् क्वाथ १७) क्वय् धाखा १८) च्वय् धाखा १९) नाय् निनि धाखा २०) हितिगाः धाखा २१) सतः २२) च्वय् क्वाथ अथे हे बल्बुं पिने नं नेवाः गांत लानाच्वंगु दु । बल्बुं पिनेया

कथं नालातःगु दुसा पीगपाखे वनेगु धाखा धैगु क्वय् धाखा खः । आःया अवस्थायबल्बुइ च्वय् धाखा, क्वय् धाखा व हितिगाः धाखा आः तक नं ल्यं दनिसा नायननि धाखा धाःसा मदये धुंकूगु अवस्था दु । जात्राया शुरुवात धकिं जात्रा बल्बुइ मूल जात्रा महालक्ष्मीया खःसां धकिं जात्रा मजुइक महालक्ष्मी द्यःया जात्रा धाःसा न्ह्याइमखु ।

जात्राया भूवल्य् नवमि खुन्हु बहनी अर्थात मूयाः खुन्हु बहनि महालक्ष्मी देगः दुगु लाग्नाय् ज्यापुतय्गु दुवाः गुथिं पूजा आजा याना अन सुकां चिना स्वां छफः खायातइ । गुगु इलय् व स्वां कुतुं वइ अबले हे धकिइ कुमारीया मूर्ति तथा महालक्ष्मी द्यःया देगः स्वचाः चाःहिइकी । उकियात हे धकिं जात्रा धाइगु खः । अथे स्वां कुतं मवतले तक दुवाः गुथिया थकालिपिं न्हापा जूसा न्हय्म थौकन्हय् प्यम्ह न्याम्ह च्वना तःखलाय् थ्वं तथा पालंपाः त्वनाः हे च्वनी । बहनीनिसें अथे थकालिपिन्सं स्वां कुतं मवतले तक थ्वं त्वना च्वनीगु चलन दु । छगः जक खल्य् चिपनिपयात बेवास्ता याना पालंपाः अथे थ्वं त्वनीगु खः । उगु इलय् थकालिपिन्सं यक्व हे थ्वं त्वंसां इमित थ्वं काइमखु धकाः बल्बुइ स्थानीयवासीतय्गु धापू दु । जब खायातःगु स्वां कुतुं वनी अबले धकिं जात्रा याइ । धकिं जात्रा धुंकाः जक महालक्ष्मी द्यःया जात्रा शुरु याइगु चलन दु ।



नेवाः गां द्रम्बु व सिर्मचा खः । बल्बुइ दुगु नेवाः जाति व सांस्कृतिक बाजा १) ज्यापु धिमे, काहां २) स्यस्यः धाः ३) जोगी म्वाय्लि ४) नाय् नाय्खि ५) लवः ..... ६) कौ ..... ७) नौ ..... जात्राया भूवल्य् थीथी बाजं नापं खिं व बासुरी नं पिकाइगु चलन दु । उगु बाजा धाःसा यक्व ज्यापुत दुसां





## अन्धविश्वासय् लिकुनाच्चंगु विज्ञान

# मचाबू लही यंकेबलय् च्वकि ह्वलेमा:



पन्नारल महर्जन

नेवा: समाजय् थीथी कथं संस्कृतित दु अले थ:थ:गु कथंया धारणा दयेका वयाच्चंगु खने दु । संस्कृतिइ विविधता दुपिं नेवा: समाज दुने थथे याये मत्य: अथे याये मत्य धका: थीथी कथंया अन्धविश्वास ल्यनाच्चंगु दु । अज्व:गु कथंया अन्धविश्वास दुने वास्तवय् विज्ञान सुलाच्चंगु दु धका: पन्नारल महर्जन क्यनादीगु दु । वयकलं नेवा: समाज नाप स्वाका अन्धविश्वारय् लिकुनाच्चंगु विज्ञान नांगु सफू तकं च्वयादीगु ख: । व हे सफूपाखें निरन्तर रुपं न्हयब्वया वयाच्चनागु ख: - सं.



भीगु सामाजिक परपरा व मान्यता कथं मिस्तय् मचा बुइ बलय् थ:छेंय् यंका: लहीमा:गु चलन दु ।

थ्व चलन कथं मचाबुया: निवा: निसें स्ववा: दतकि मचाबू स्व:वने ब्वचायेका: लही यंकेगु याय । मचाबू लही यंकी बलय् पिखालखु निसें दुवा:पतिं च्वकि

ह्वला: यंकेमा: धयागु मान्यता दु ।

जाकिया चिचिचाकूगु ब्वयात च्वकि धाइ । थ्वयात नं नसाया रुपय् छयलेगु या: । छुं छुं नसाया परिकार दयेकेबलय् च्वकि हे तयेमा:गु दु । थ्वया पलेसा जाकि बाय् मेगु छुं तयेबलय् सवा: पार्यछि जुइमखु । एराइचा दयेके बलय् च्वकि मदयेक मगा:, भ्यात:कें खुने बलय् च्वकि मतलकि भ्यलय् पुनीमखु ।

च्वकी नं च्वका थ्वयात:गुयात भ्वसाच्चकि धाइ । छें चं पिहाँ वया: क्वाना: नयेसापिं खाचातयूत भ्वसाच्चकि नकेगु याइ । ब्वलना: व:चाधिक: जुलकि च्वकि नकी । थज्यागु नसा नयेखिपिं खाचात याकनं ब्वलं धयागु मान्यता दु । छुं नं नचुगु वस्तु तत:कूगुली सिकं चिचिचाकूगुली अप्व: प्यपुनी । वा सुइबलय् ब्वला वइगु जाकिया नचुगु व्व नं जाकी सिकं च्वकि व भ्वसाच्चकी अप्व: प्यपुना

च्वनी । चिचिधिक:पिं जीवतसें तत:कूगु नसा नयेफइमखु । तत:कूगु न:सां चिकूयाना: तिनि नइ । चिकूगु जुइबलय् कुचा याये माली मखु ।

उकें चिचिधिक:पिं कीत व सुक्ष्म जीवत चिचिचाकूगु व नचुगु नसाय् हे अप्व: भुलय् जुइ धयागु प्रमाणित जूव: ।

छेंय् दुने व पिनेया वातावरण यक्व पाइ । न्ह्याथे धा:सां छेंय् पिने भचा अप्व: फोहर जुइ ।

फोहरय् थीथी कथंया जीवतय् लिसें सुक्ष्म कीत नं दयाच्चनी । थज्या:पिं कीत भीगु जिवय् प्यपुना वलकि उसायलय् नकारात्मक प्रभाव लाइ ।

भीगु सामाजिक व सांस्कृतिक मान्यता कथं थीथी सांस्कृतिक व सामाजिक पर्वय् याइगु ज्याखँय् दुवा: नाप यक्व स्वापू दयाच्चनेगु या: ।

बौ तयेगु निसें कल: वायेगु तकं दुवातय् याइ । थज्यागु विधि छेंय् दुनेया

मभिपिं तत्व पिने कायेगु कथं याइगु ख: । उकें थज्यागु वाय्थाय् थीथी कथंया कीत दयाच्चनी ।

उबलय् आ:थें यातायात साधनया सुविधा बांलाक मदु । न्ह्याथाय् वनेमा:सां न्यासि हे वनेमा: ।

मचाबू लही यंके बलय् नं थ्व समस्या ब्यागलं जुइमखु । मचाबू शरिर न्हापा लिपा सिकं कमजोर व क्यातुगु अवस्थाय् लानाच्चनी । बुया गुलिचां मदुनिम्ह मचा भन हे कमजोर व क्यातुगु अवस्थाय् लानाच्चनी ।

हेरचाहलय् छुं भचाजक उखे थुखे लात धायेवं हे उसाय् मदये य: । थज्या:गु अवस्थाय् छेंय् नं पिने यंके बलय् लँय् व दुवातय् च्वपिं कीतस्यं उसायलय् प्रभाव लाकीगु यक्व सम्भावना दइ ।

सुं नं जीव गनं वनीगु धयागु नसाया लागि ख: । थ: चुंच्चनागु थासय् हे नये दत

धायेवं गनं वनीमखु । लँय् व दुवातय् दइपिं कीत नं अन हे नसा नये दइबलय् मेथाय् वनीमखु ।

मचाबू लही यंकीबलय् नं इपिं चुंच्चथाय् थ्यंक च्वकि ह्वला बीबलय् मचाबूम्हसिथाय् तक वयेगु चेस्ता याइमखु । थुकिं याना: इमिपाखें वचय् जुइ फइ । उकें मचाबू लही यंकी बलय् लँय् व दुवातय् च्वकि ह्वला: यंकीगु ख: ।

च्वकि ह्वली बलय् ह्वले न्ह्य:मचा व मचाया मांया म्हय् च्वकी पीकेगु याइ । पीकागु च्वकि दकलय् न्हापां लुखां पिहाँ वयेवं पिखालखुइ नी ह्वली । च्वकिं म्हय् पीकी बलय् मचा व मचाया मांयाके दुपिं सुक्ष्म कीत च्वकी थानावनी धयागु मान्यता दु ।

थथे यायेबलय् म्हय् च्वपिं कति च्वकी थानावनीगु जक मखु थज्यागु विधिं छखा छेंय्या किटाणुत तकं मेगु छेंय् सरय् मजुइकेगु छगू उपाय नं ख: ।

## बिचा: हायेका



जन्म: ने. सं.  
१०७७ असार  
३१ आइतवा:



मदुम्ह कृष्ण वदन श्रेष्ठ

मदुगु:  
ने. सं. ११३७ कछलाथ्व  
द्वा:दशी विहिवा:



नेवा: पत्रकार राष्ट्रिय दबूया केन्द्रीय न्वकू नृपेन्द्रलाल श्रेष्ठया मां यें खुसिबुंया कृष्ण वदन श्रेष्ठ वंगु विहिवा: ५९ दँय् आकाभाकां मदुगुलिं मदुम्हसिया चीर शान्तिया कामनायासें दु:खंक:पिं सकल छेंज:पिन्त धैर्य धारणा याये फयेमा धका: बिचा: हायेकाच्चना ।

**ज्वजलपा वा:पौ व कीर्तिपुर सन्देश साप्ताहिक**  
**सकल ज:, किपू**

## साहित्य- चिनाखँ गुज्वःगु पापं पुन भीत



### रिदेन महर्जन

यँ खाली ततःखागु छँ दन  
कक्रितया ततःखागु  
जंगलं छँ मुनाच्वंगु थाय् थ्व  
गन मदुगु थनं यचूगु लकस  
खुशी जवखवं स्वसां फोहारया फोहर  
लैय् वंसां धूया धू जक व्वइगु थाय्  
यँ धायेनं मल्वय् धुंकल आः  
फोहोरया दुंगुर मुनाच्वंगु थाय्

सभ्य मनूत तनावंगु थाय्  
मानवियता गुनं न्हयनावंगु थाय्  
लैय् जुसां पला: तये थाकूगु  
सहरया गल्लि दुने तना च्वंगु  
मानविय सभ्यता, न्हयथाय् स्वःसां  
कुसंस्कृति कयेचिना च्वंगु थाय्  
छुं याये अहो ! उकुस मुकुस थन  
सासः ल्हाये थाकु यचूगु लकस मदया

भी अजा अजिं स्वना थकूगु सहर  
थौं भीपिहे विस्थापित जुइगु  
इनं बुलहुनं वयाच्वंगु ताल जित  
उफ ई नं गुज्वः कासांमहतल भीत  
उलि मच्छि द्यः धका: भापिया  
पुजाआजा याना जात्रापात्रा याना  
द्यः धका: भापिया कल्याण याइगु भा:पिया  
भव्य नया धिमे थाना प्याखँ ल्हूया  
थौं भीत हे पितना छेवय्गु जुयाच्वन  
गय् गथे जुल थौं हाय् ।

भीगु स्वनिगः लागाय् थौं भीपिं  
विस्थापित जुइन गये जुया जुल  
द्यःपिन्त नं न्हयाक्वः पुजा यानानं  
छुं लगेमजुल छुंयानागु पाप पुनं भीत

## मोहन



—नाति महर्जन  
द्यःचपा, पांगा

वन वन मोहन वन  
च्यान्हु भिन्हु न्ह्याईपुका वया वन  
गुलिसितं न्हिका गुलिसितं खयेका  
आइकिवं वेगु वचन बियावन ॥

सांसदतय् लाखौं लाख दाँ पोचीकावन  
कर्मतारीतय् निलाया तलव, बोनस नकावन  
सरकारी मनुतय् सेफ जायेका  
थुगुसि मोहन नं  
गरीबतय् साहुजक कुबुईका वन

सांसदतय् छँ भः भः धाय्का वन  
कर्मचारीतय् लय् लय् तायेका वन  
इमित जक धेवा मम होलेथें होय्का  
गरीबयात साहु क्येका खय्का वन ॥

सांसदतय् थाय् दंक दुगु खुसि चिनावन  
सरकारी हाकिमतय् भेती बीहःगुलिं गाकावन  
गरीबयात जक पुलुपुलु स्वका  
खा छम्ह हे न्याय मफय्क थिके यानावन ॥  
दक्को नेता हाकिमतय् न्हिइका वन  
गरीबतय् नुगः जक खय्का वन  
मोहन नखःबलय् हे बजार भाः कंटोल मयाःसे  
व्यापारीतसें लुते याका वन ॥

सरकारी मनुतयेत जक भव्य नका वन  
गरीबतेत धेर ग्वारचा नये मफय्का वन  
गरीबं भव्य नयेगु धैगु सपना थें जुईक  
थुगुसिया मोहन नं लाः किलोया द्रिछि थेंका वन ॥

जाकि बजि दक्को थिइ मफय्का वन  
माय् मू न्याय हे नुगः स्याका वन  
सरकारी मनुत व साहुतेत जक भव्य नका  
थुगुसिया मोहन नं गरीब छांलाका वन ॥

वन वन थुगुसिया मोहन वन  
द्वलंदः निर्दोष प्राणीया ज्या कयावन  
मुखतेत दुर्गामांया नामं हिंसा याका  
सकसित मोहन नं तमासा क्यना वन ॥

## जित तुं मालाच्वन



कवि राम महर्जन  
की.न.पा. १६, नगाउँ

मिखा पिने मन दुने  
जित तुं मालाच्वन  
जि के दुने च्वंगु मनं  
जित तुं स्वीकार मया ॥

जि गन वने तेनामखः  
गन या लंस्वया वना च्वना  
स्पष्ट मजु वनेगु लंपु

अथे जुसां पला न्हयानाहेच्वन ॥  
जिके दुने च्वम मनं  
जित तुं स्वीकार मया  
मिखा पिने मन दुने  
जित तुं मालाच्वन ॥  
जि सुखः जीहे मस्यू  
छु यानाच्वना वनं मस्यू  
छुकिया लागि ब्याय् वनाच्वना  
वनं जि छुं हे मस्यू ॥  
खिउंसे च्वंथाय् तुयु  
जः मालाच्वना  
गनं जी लुइके मफु  
जीवन जीगु अथेहे फुइन  
मिखा पिने मन दुने  
जित तुं मालाच्वन ॥  
जीके दुने च्वम मनं  
जित तुं स्वीकार मया  
मिखा पिने मन दुने  
जित तुं मालाच्वन ॥

## बखुमदः न्हयगां जात्राया लसताय् विशेष अंक

यँया दक्षिण पश्चिम लागया ऐतिहासिक नापं सांस्कृतिक कथं  
महत्वपूर्ण किपू, पांगा, नगां, सतुंगः, ल्हवंखा, व्वसिगां व  
मच्छेगांया जात्रा बखुमदः जात्रा अर्थात न्हयगांया लसताय् वइगु  
मंसिर २२ गते बुधवाः कीर्तिपुर सन्देश जात्रा विशेष कथं  
प्रकाशित पिथनेगु जूगुलिं उगु जात्राया बारे थःथःगु लेख, रचना  
छवया हयादीत नापं भित्तुना बियादीत इनाप यानाच्वना ।  
उगु विशेषाडकय् भित्तुना बियादीपिन्त कीर्तिपुर सन्देश वाःपौ  
दच्छि तक सितिकं विइगु जुइ ।

## कीर्तिपुर सन्देश साप्ताहिक

कार्यालयः निखासी टोलः कीर्तिपुर नपा-३ फोन नं.: ४३३३००७  
kirtipur\_sandesh@live.com  
http://kirtipursandesh.blogspot.com

तपाईको टोलमा भएका घटना कीर्तिपुरको समाचार बनाउने  
हो भने तपाई एक कल फोन गर्नुस् हामी तपाईको टोलको  
समाचार कीर्तिपुरको समाचार बनाईदिनेछौं

## कीर्तिपुरको चित्रण



किपुलिं पिदनाच्वंगु कीर्तिपुर सन्देश वाःपौ व ज्वज्वलपाः वाःपौया ग्राहक जुइगु नितिं स्वापू तयादिसँ

कार्यालयः निखासी टोलः कीर्तिपुर नपा-३  
फोन नं.: ४३३३००७, ९८४९४०९०७७

ज्वजलपा वाःपतिइ छिगू चिनाखँ/बाखँ/हाइकू विज्ञापन  
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंकाः सः



## ज्वजलपा वाःपौ

ज्याकूः निखासी त्वाः किपू नपा-३ फोन ल्याः ४३३३००७,  
९८०८६२६४२० ई-मेल : kirtipur\_sandesh@live.com